

九

梅

村

詩

集

九梅村詩集卷十一

鐵嶺魏變均公隱甫編

燕游小草

甲子

宛平劉杞松

與商文瀾游蒲河千佛寺

夕陽照古寺一徑入蓬蒿野色廢城暝晚煙荒殿高  
碑餘劫後字松作靜中濤不去參諸佛休令笑我勞

出新民屯道中作

曉起涼如水登車遙望閒遠天低到樹大野濶無山  
沙滯馬蹄緩途長人意閑浩然發吟興忘卻客行艱  
居民臨古道絡繹有炊煙村舍盡平屋荒沙多瘠田  
瓜

生長夏雨麥熟早秋天羨被農家父乘涼樹蔭眠

望山鋪

望山山不遠前卽十三山遊子苦行役白雲還自閑寺  
樓晴不見村店夏常關未得停車息題詩向壁間

宿大凌河甸子

夕陽高未落人馬倦同饑偶得店投宿便如家已歸風  
停沙亦止雲動月疑飛遙計登程日鄉山半月違

七里坡道中

石路半平頗驅車七里坡雲蒸天欲雨風息海無波灘  
遠有閑鷺途長須健驟勞勞苦行旅何處覓吟窩

沙河所題旅店壁

不見夕陽沉停車天正陰夜來風雨大曉起水雲深險  
阻關河路躊躇客子心前途向誰問慷慨發孤吟

姜女祠次龔石芙韻

望夫夫不見大海古今流天地荒祠在滄桑片石留秦  
皇終二世姜女獨千秋誰說長城壞行人生遠愁

山海關

雲壓萬山巔雄關高矗天直通滄海外遠割大遼邊自  
倚金城固安知帝業遷至今無寸土誰爲祖龍憐

深河 臨榆撫甯分界處

忽擁萬峯出天風吹白雲孤城雙路引兩縣一河分旅  
館題詩陋郵亭買酒醺長安名利客車馬日紛紛

### 望馬蘭山

寺壓翠微巔松青雲自閒逢人便相問說是馬蘭山

### 天馬山

有山名天馬其勢若行空亦不受羈勒奔騰雲霧中

### 過永平

一入盧龍塞青山向郭分雄關界遼海古郡接燕雲漢  
月昔曾照胡笳今不聞欲尋射虎石不見李將軍

### 謁清節廟

卽首陽夷齊廟  
在潞河之西

古來多餓死豈盡聖之清惟不食周粟至今稱令名首  
陽成淨土薇菜亦長生我過崇祠拜高風素已傾

薊門曉望

曉晴天氣新山色薊門迥白雲懶高飛不上青峯頂

過段家嶺

看山趁新晴曉過段家嶺片雲飛上天散作萬峯影

七夕值雨

慷慨向 皇州金臺賦壯遊星河當此夕風雨正新秋  
天上有夫婦人閒多女牛丈夫志千里不作別離愁

與鄭械叔

培文

趙化南

召棠

兩秀才恭遊

圓城

賦詩紀事八首

五雲深處有樓臺金海橋頭放眼來到此真成香世界

西風百頃藕花開

玉螭橋在圍城之右一名金海橋貫太液池東西兩端立二坊西曰金鰲

東曰玉螭

一入圍城氣象森千年枯柏翠陰陰曾經

聖主聽

濤坐猶作蒼龍繞殿吟

殿前有古枯一株槎枿如龍傳是金時遺種

金殿穹窿靄靄深未能親見

翠華臨漢家銅鼓元家

甕潤我平生好古心

承光殿元曰儀天明更今名本朝因之殿中有諸葛銅鼓一殿前

后亭置元代玉甕一大可貯酒三十石徑四尺五寸高二尺圍圓一丈五尺至元二年告成廣寒宮舊物也內

鑄純皇帝御製玉甕歌

煌煌天語燦璣珠 御筆題詩滿壁書最是人生難到

處上清宮殿

玉皇居

殿壁懸粘皆皇帝御製詩章

列聖

朶雲亭下午風涼曾說當年駐 上皇想見靜敲棋

子處松花輕落御衣香

亭爲奕棋處

純皇帝

蓬瀛世界隔塵寰古籟堂前積蘚斑試向堆雲橋上望

玲瓏艮嶽宋家山

過橋爲永安寺卽金元瓊華島踞太液池中奇石壘壘皆宋艮嶽之遺

奇石巔峴太液池更無宮殿影參差問人知是瓊華島

遙想金元鼎盛時

瓊華島多奇石其巔古殿相傳本遼太后梳粧樓歷金元皆有宮殿今殘

石壞礎猶刻雲物及廣寒殿字

一枝白塔坐雲巔碧瓦琉璃樹杪懸更使游人看不厭



慶霄樓接蔚藍天

樓在塔山南面

與鄭械叔游西山碧雲寺

京西問名勝第一說香山遙望碧雲寺  
蒼蒼煙靄間地偏林壑美谷遠梵鐘閒  
笑彼塵勞客誰能蠟屐攀

梵王宮殿壯地接靜宜園舍馬尋山徑  
隨雲到寺門

峯巒皆入畫草木亦沾恩況是皇居近  
招提佛更尊

泉聲出石罅流入洗心亭石畔一松古  
龍門千載青

亭後

怪石夾立如門一松交蟠其上御陽名爲龍門松

雲蒸佛塔溼風過釣臺腥

亭右

有釣魚台聞道山僧說曾經翠輦停

流水匯爲沼涓涓卓錫泉幽篁覆晴日  
瘦柳帶秋煙樓

影臨池倒鐘聲落欄圓嘯雲亭畔立山靄正蒼然卓錫泉出

寺後石罅中泉旁一柳有大癭人呼爲癭柳柳左有堂三楹萬歷御題水天一色前臨荷沼沼南脩竹成林岩

下有亭曰嘯雲水繞亭後

臨風登佛塔白玉有高臺此地衣冠葬空餘翁仲哀徐善

冷然志云碧雲寺後有魏忠賢墓本于經舊墓道忠賢拓之翁仲石麟羊虎森列扶闕皆以白玉爲之中立二穹碑合書其街忠賢戮尸後未嘗葬此間係甲申國亡後其黨爲之者按冬夜箋記云天啟三年忠賢亦立冢域於寺後此墓則係所營生壙無疑本朝諸天煙雨乾隆間毀其墓修築石臺當卽此處

散是日登佛千嶂夕陽開卻戀叢林勝山靈未放回佛塔塔時有雨

在寺後臺高四五丈皆白石爲之上有塔故名

冒雨遊卧佛寺卽壽安山普覺寺

出山尋古寺又入壽安山一路雨聲細萬松雲氣斑竹  
閒聞梵磬花下叩禪關自笑羅塵網何如卧佛閒

承雲亭

勝地開蓬島諸天近大羅 玉皇曾息駕亭畔五雲

多

昆明湖晚眺八首

湖方十餘里在萬壽山之前京西三十里舊名

西湖乾隆閒 賜名昆明鑄銅牛一置東隄上

山前爲清漪園

昆明湖畔雨初晴映水斜陽一片明我向湖東隄上望

西山猶是碧雲橫

金銀宮闕瑞雲扶  
山色湖光入畫圖  
不是軟紅塵世界  
分明海上看蓬壺

片片霞光照水湄  
金牛背上認銘詞  
摩挲細看崑崙石  
恭讀 先皇御製詩

幾處亭臺接玉橋  
一湖煙水碧無聊  
聖明天子承  
平日曾駕龍舟盪畫橈

十頃芙蓉映夕暉  
水風花氣襲人衣  
繡漪橋上無人過  
但見閒鷗幾個飛

參差塔影列煙鬟  
貝闕飛樓縹緲間  
幾片秋雲遮不住

隔湖遙望玉泉山

看花臺接釣魚臺古蹟荒唐佛寺開傳說當年曾駐驂

大元天子泛湖來

臺在護聖寺內爲  
元主游樂更衣處

森森平湖似鏡光更無小艇泛滄浪天然一幅迂倪畫  
少個漁翁釣夕陽

高粱橋晚眺

高粱橋畔夕陽斜一片蒹葭在水涯惜我來遲看秋色  
西風吹落白蓮花

過六郎莊

水國風來四面香芙蓉圍住小村莊此中知有人如玉

應說蓮花似六郎

晚次海淀

探勝歸來日已曛且沽村酒醉宵分夢魂還帶煙霞興  
猶戀湖山一片雲

貢院老槐

年年花落古枝柯不計春秋幾甲科某作良臣某能吏  
知君此地閱人多

感懷

沽來燕市酒慷慨不能斟遇客無豪俠向誰肝膽深鄉  
山千里夢湖海十年心但覺年華暮聊堪抱膝吟

九梅村詩集

卷十一

七

遇友人紀蔭塘

雲衡明經金州人

昔年一離別海上幾經秋今日逢燕市相招上酒樓風塵方欲倦名利復何求唯有關心處殷勤問舊游

自遣

文章不吐氣投老命如何豈予成名易英雄失意多青雲辭魏闕白首卧岩阿自識非公輔休爲慷慨歌

都中得甘泉近耗寄懷

坡翁仍不死猶復在人閒遠別隔遼海誤聞歸道山長安得消息此日破愁顏知隱衡茅下如霜鬢更斑

送傅味琴下第歸山東

名場俱失意相送轉相憐  
山海此遙別春秋各暮年  
嶽雲晴度鴈驛樹冷無蟬  
悵望金臺月難期再共圓

九月十五日與商文瀾遊法源寺懷古

秋高入禪院如隔帝京塵  
見佛悟空相遇僧疑古人

地埋唐戰骨天餓宋孤臣

元至元二十二年詔求宋賢才謝疊山先生被元參知政

事魏天祐強赴燕京問太后攢所及瀛國所在惟再拜慟哭病甚遷憫忠寺見壁間曹娥碑泣曰小女子猶爾吾黨不汝若耶感慨一憑弔登臺共愴神  
念佛臺下疑遂不食五日死  
即瘞骨處

謝文節公祠

餓死全臣節先生志不磨  
肯扶元鼎祚遂忘宋山河  
獨有孤忠淚堪侔正氣歌  
千秋祠宇在惆悵一經過



下第東歸

燕臺落葉飛秋盡始東歸  
鈍劍復藏匣緇塵徒染衣  
聽鴻出關塞策馬別京畿  
卻謝浮名去田園更掩扉

望盤山弔亡友常職卿

故人昔有約偕入此山游  
今日已長往山光空暮秋  
日臨盤谷黯雲鬱薊門愁  
筇屐徒雙具招魂何處求

別山曉發

晨光上壚落初日未高臨  
白露在寒草疎煙生遠林  
雞鳴黃葉寺雁度翠微岑  
不覺征衣薄誰知秋氣深

豐潤道中

九月霜遲樹未凋，道旁黃葉少風飄。  
小村數里見荒塚，秋水半潭橫野橋。  
隰有白華蘆吐絮，地無青草麥抽苗。  
居民未肯安耕暇，猶向平原事採樵。

曉行卽景

黎明星已沒，客子著征鞭。  
初日湧滄海，晴霞烘遠天。  
林深藏曙色，山迥帶秋煙。  
此際征途上，吟詩誰浩然。

早發榛子鎮

聽到殘更拆，勞生夢已醒。  
客呼孤館燭，雞唱滿城星。  
夜路聞車鐸，秋河落驛亭。  
居人眠未起，深巷戶雙扃。

曉行

川原初辨路天色漸黎明始見眾星沒微看殘月生繞  
村黃葉下伏地白煙平行過前山驛荒雞尙有聲

青龍河

盧龍城頭落日頽青龍河上秋風哀當年射虎尙餘石  
曾渡將軍李廣來

曉過王家嶺觀海

日輪飛出海光射海波明但見水無際渾疑天與平片  
帆微有影高浪遠無聲寥廓空濛裏時聞一鴈鳴

出山海關

天風吹客還匹馬出雄關樓豁聳臨海

關南有城高蟠  
澄海樓

上山萬家秋色裏千古夕陽閒  
莫問蒙恬將臨風自解顏

甯遠道中

初日早霞晴驅車嶺上行  
地高先見海山近半圍城溪  
鴈留孤影村雞有遠聲  
買餐計前路猶隔廿餘程

過杏山

此地昔經戰前朝不可尋  
荒村秋木落殘壘夕陽沉  
流水悲興廢空山閱古今  
尙聞父老說有鬼哭天陰

過錦縣訪劉松雲明府不遇

故人是劉寵爲宰亦神明  
政績滿花縣詩名高錦城  
昔

年舊游地今日又經行過訪不相遇徒令感慨生

早發

畏寒嫌早起暖榻戀衾溫僕御已夙駕膏車又出門有  
星天未曙無月夜猶昏但聽雞聲唱知過第幾村

大石橋望月有感

六月正當初十日曾來望月石橋邊今逢十月又初十  
我復歸來月半圓客子光陰如逝水人生踪跡感流年  
清光迎送長安道誰更魂銷亦黯然

到家

四月遠游客經冬始到家今年足雨水故里好桑麻殘

菊收三徑奇書載一車比鄰諸父老相見問京華

臘月二十三日生辰作

五十三年過此辰光陰如瞬老紅塵自憐富貴全無我  
那有文章可動人徒向酒邊追往事偶從夢裡悟前因  
已知一世成虛度碌碌慚同草澤民

除夕自遣

一歲將殘夜徒勞歎此身長貧詩贅我垂老病欺人戚  
友翻知僞兒孫漸覺親昨非今又悟五十四回春

九梅村詩集卷十二

鐵嶺魏變均公隱甫編

燕游續草

乙丑

宛平劉杞松雲選訂

宿大石橋

去年曾寄宿今又駐征輪  
認我風塵面依然舊主人  
石橋聽流水明月照前身  
壁上留題處鴻泥跡已陳

曉發前屯衛

出屯十餘里亂石迸車聲  
初日上高樹曉煙圍故城  
山形分野潤海氣接天平  
碌碌征途上吟詩動古情

值雨度山海關晚宿紅花甸

風雨度雄關雷聲響萬山長驅車馬過正值夕陽間今日又投宿去年曾往還笑余名利客未得一身閒

宿昌黎縣書感留題旅店壁

有序

余昌黎故族也自國初播遷於遼遂居鐵嶺今已二百餘年矣世傳九代久無人問里門焉今假赴都之便迂道過此因而書感率題三首於壁

長安西上苦風塵假道誰知故國人繞郭青山爭接送也應識我是鄉親

自渡遼東二百年更無人問舊家山我今初過昌黎道



彷彿丁生化鶴還

尙記粉榆舊里門至今九世有兒孫相逢故族應難認  
說起滄桑墮淚痕

過石佛洞

在城西  
五里營

洞口雲方散巖根鐘尙鳴我來不敢入恐佛笑勞生

再題清節廟

大義恥周粟高風千古稀食薇不變色采葛自爲衣死  
葬將軍禮生嗟殷土非徒勞叩馬諫甘回首陽歸

采亭橋題壁

采亭橋畔柳陰低流水年年送馬蹄日暖風薰天正午

蟬聲催過玉田西

旅次書懷

驅車兩度走京華老去謀生又別家  
烽火驚心傳道路鄉山回首隔天涯  
題詩驛館燈初上買酒旗亭日已斜  
徒說有懷思上策問年不是賈長沙

薊州道中

車馬匆匆駛似舟入關七日敢淹留  
河聲送客通燕郡山色隨人到薊州  
蟬噪正當槐夏午農忙初趁麥天秋  
我行再上長安道不爲功名亦白頭

三河道中

入關風俗儉民庶最能勤對岸蓋成屋開田耕到墳樹  
涼人賣飯村陋婦無裙自樂安居業干戈事不聞

到京

重到青門作壯遊此身不爲事王侯要尋燕趙悲歌士  
慷慨談心上酒樓

家子循與于生兩山郭生鏡泉招飲酒肆

都學乘風破浪游不期握手向皇州姓名問罷知鄉

里于郭二生俱海城人與余初相識也歌管聽殘上酒樓是日先邀觀劇難得歡

場成雅集況兼豪士半名流座有劉杏林廣文郝賡臣郝紫垣兩明府李蘭泉布

衣相逢轉恨東歸急未盡平原十日留

訪孫夔齋

際堯

友人

錢塘人時謁選京師

米貴兼金盡長安不易居微官無日得久客已年餘妻

子全家別

眷屬尚寄奉天

親朋遠道疎孫陽憔悴甚相見轉歎

歎

### 僧親王輓詞四章

將星忽墜地朝野一時驚智勇能擒賊恩威善用兵人

心私共仰國憤誓專征力竭身先死諸藩涕泗傾

甘苦同軍士神威挫逆鋒六年經百戰五省滅羣兇志

切瘡痍起身先矢石衝城亡盡恢復所向奏膚庸

邸抄云王自咸豐十年十月統兵勦辦土捻各匪河南肅清領軍入山東是時充沂曹三府會教棍幅各匪竝

起擾及豫東瘡痍滿目十一年王督師東征竄擒匪於  
登萊青三府斃賊數萬皖寇斂迹回勦曹屬長槍會匪  
七孫授首同治元年勦各匪於杞孫尉氏夏拔教匪於  
金樓又擒斬捻首李成秋間整軍赴皖身經百戰斬賊  
十餘萬平定三百餘里二年春擒獲五旂擒首張洛刑  
蘇天幅孫醜趙浩然等皖捻悉除回攻山東淄川五月  
克復督攻鄒孫教匪三旬蕞事北除宋景詩南征苗沛  
霖東昌咸平蒙城圍解宋逆潛逃苗逆授首淮北肅清  
中原底定轉戰千里勦滅五省羣寇每行則身先士卒  
戰則親冒矢石駐則與士將同甘苦雖寒暑並無少怠  
可惜曹州戰孤軍入已深但知身報國猶冀賊成禽

月黑妖氛重星昏殺氣森傷哉遽殉節未盡老臣心

邸抄云四月二十四日王探知髮捻各逆在曹州西北  
高庄集地方我軍分爲三隊賊亦以三股迎拒兵賊惡  
戰互有傷亡我軍力不能支王卽飛馬往督相去三四  
里比至我軍已退王遂與馬步且戰且走該逆全力來  
圍賊勢愈衆時至三更我軍已亂不能衝出王馬失前  
蹄換馬又行數里賊兵愈裹愈厚王遂困在垓心猶能

拙佩刀手刃悍賊不期馬受矛傷驚逸墜馬身受八傷  
力竭陣亡在府城西十五里吳家店地方王生時嘗言  
西路回氛未靖誓必速滅流寇振旅出關  
掃平西域上紓宸厯下奠民生云云

千里歸靈襪 皇恩許入城榮邀 天子奠德感庶民

迎傳列 熙朝史儀陪 太廟楹九原見 先

帝含笑慰忠誠 王樞由山東回京日行數十里百姓沿  
途迎祭者日塞於路閏五月二十一日

到京奉 旨准其入城治喪 皇上奉 兩宮懿旨

於二十六日 親臨賜奠並准配享 太廟建立

專祠宣付史館敘  
入列傳以昭忠節

天壇蝶仙祠詩

有蝶有蝶仙乎仙崇祠香火依天壇餐英吸露得精氣  
儼同服食吞金丹百花供養壽不死眾香之國游千年

得非廬山二神女幻身特地來人間抑或崔羽道成日  
紫霞亭上騰香煙又疑莊周夢中化栩栩前身應記南  
華篇不然飄飄本仙種厭看梅花飛下羅浮山人言此  
蝶神變化奇形異態殊多般有時大者似車轂亦能小  
者如金錢或黃或綠或紅白五采炫爛呈奇妍傳聞昔  
在太常寺曾蒙 御覽開龍顏 宸章品題賜歌詠

恩榮寵渥靡加焉

純皇帝有御製仙蝶詩

胡爲建祠祀於此豈

因扈 蹕郊祭天

園邱之側侍典禮

上帝百神肅

瞻觀冠裳整列鵷鷺序蝶仙應亦隨朝班當年或覩此  
靈異 特旨賜祀壇之邊嗟乎紛紛宦官金翼使徒勞

奔走蜂王前金衣烏衣衆公子尋芳獵艷徒狂顛花神  
笑罵厭輕薄汝輩俗骨無仙緣天香深處不容到花花  
世界恣踟躕富貴風流豈能久自應消福紅塵寰何如  
此蝶邁凡種張果蝙蝠相班聯蝶乎蝶乎爾爲仙我欲  
從之羽化隨翩翩

都中夏夜見螢火

一點流螢火驚看夏夜飛似星微有耀向月轉無輝未  
逐穿花徑還來傍客衣故園秋尙早見爾便思歸

游善果寺

在宣武門外

巍峩瞻古刹創建說南梁近接紫金寺

寺建於宋今廢遙連白



紙坊

坊在彰義門南其地最大北至善果寺

殿高藏佛大松老化龍蒼自

昔聞

車駕曾來謁梵王

順治十七年嘗幸臨其地

世祖

鴈門桃源行

有序

按大有奇書云唐開元中有僧游鴈門山入一

石洞見數女子鬢髮飄雲草裳葉袂見僧訝曰

汝何人髡髮刈鬚作此異狀耶僧曰我僧也女

子曰何爲僧曰佛之徒也女子曰何爲佛曰西

方之聖人也女子曰何以吾未聞之耶曰佛於

漢明時入中國女子益訝曰何爲漢曰繼秦之

代也女子曰我秦人也蒙恬築城役及婦人我

等逃避於此啖菖蒲遂得不死年歲竝忘安知  
秦亡又有所謂漢耶僧辭出後再訪之但見青  
靄白雲不知洞之所在又花史云福州城外東  
山莊有樵者藍起逐一鹿入石門內有雞犬人  
烟一翁謂曰此避秦地也可留之起曰歸別妻  
子當復來與榴花一枝而出後再訪則迷矣余  
謂此二事頗類晉之桃源因賦鴈門桃源行

鴈門山高插天千峰萬壑相鈎連陰崖邃谷不可數  
安知何處藏神仙神仙自閉烟霞宅誰能力劈青山石  
況經漢魏六朝過荒唐自昔無人跡忽有石洞豁然開

中藏世界無塵埃開元有僧飛錫入彷彿武陵疑天台  
飄然歛覩羣娥至草裳葉袂饒仙氣見僧駭愕前致詞  
髭髮如鶩狀何異僧言我本佛之徒佛從西域來東都  
當年伊始漢明帝遙遙千載留浮屠羣娥驚問何爲漢  
我是秦人避秦亂蒙恬老將築長城役及婦人逃此難  
孰知世上嬴秦亡但覺山中甲子長自啖菖蒲壽不死  
此間頗樂弗思鄉故鄉親戚久別離塵世滄桑總不知  
爾時無僧本無佛卽今朝代焉知誰僧聞未畢旋辭去  
倉皇出洞尋歸路回頭再望鴈門山白雲靄迷其處  
君不見福州樵子名藍起逐鹿曾入石門裏亦逢黃髮

避秦翁惜不能留戀妻子與僧一樣無仙緣不能擺脫  
爲神仙徒令再訪枉惆悵依然武陵天台山可憐殘暴  
虎狼秦虐政何堪及婦人竟使遺民逃樂土世間都變  
桃花津吁嗟乎武陵石門皆隱谷雁門亦是避秦毒惟  
有天台采藥行曾作神仙好眷屬

游報國寺

寺午不聞鐘入門僧未逢碑存前代字殿失大元松

殿有

元時二松石徑引橋直藤陰交樹重拜瞻觀自在窠變

今無存矣  
好儀容

寺有窠變觀音像高二尺許

何人得禪昧寫此妙音圖知是凱亭子居然佛氏徒當

年曾供奉今日許觀摹應悟西來意何須問苾芻西廊有傳

雲奉 敕旨畫勝果妙音圖長二丈許古佛菩薩天神諸像一百三十餘人各高二尺許真絕大手筆也

隔斷紅塵界到來生靜心階涼篩竹影壇暝轉松陰仙

梵僧廊寂天花佛殿深綠雲庵小坐頓覺滌煩襟東廊有室

名綠雲庵

更上毘盧閣臨風遠眺間地高瞻北闕寺後毘盧閣最高可望

大內 窗豁見西山靜憩客心曠清修僧意閑終當謝塵

鞅遁入此禪關

報國寺瞻禮窠變觀音像

我聞觀音度世神變化千手千眼無休暇大道一本散

萬殊佛法無窮令人訝家家虔禮觀世音觀音幻作女兒身拋却慈航本面目兼度善男善女人行深般若波羅蜜幻相非空亦非色遂令皈依救苦人三千世界猶一室修祠建閣極八垓莊嚴法相蓮花臺範金刻木或泥塑彷彿三十二相求如來諸相皆空忽窯變自在別開一生面寶冠戴首綠帔身似露真形與世見怪哉善才龍女從忽然擔送來漁翁疑從南海一分散幻身同落官窰中

三像各高二尺許如出一窰相傳窯變時惟一自在像陶人不敢毀貢進京師後忽有漁

人擔善才龍女二像售於市爲寺僧所購命送寺中及償其直已失漁人所在燕游自昔聞奇

異今來瞻禮開智慧聖曇老衲說最靈如活菩薩在人

世世人懺悔念彌陀觀音靈感薩婆訶清涼寶山萬菩  
薩無如大士慈悲多君不見碧雲黃匏大如斗牟珠華  
巖石不朽幻形各據一洞天彷彿分身此中守又不見  
蛤中佛蚌中珠衣冠瓔絡無毫殊細微竟至到蠶繭唐  
家雞卵儼跣趺種種離奇不可測婆心到處留形模吁  
嗟乎一切衆生亦變相變相由心幻生妄不肯同登般  
若船竟化邪魔千萬狀可憐苦海波茫茫無由度入涅槃  
鄉若使拜瞻窬變相應居火宅生清涼

游天甯寺

境入先朝選佛場森森花木滿禪房塔高風定鈴猶語

壇廢年深草自荒故殿初遭兵燹燬老松濤帶梵鐘長  
我來不盡低徊意手撫殘碑立夕陽

有董文敏公所書碑

綠野山房

在寺後土阜之上旁綠以花畦間以竹石地極幽敞頗堪游憩

寺後起平岡憑高開小堂人穿花徑曲鶴睡竹陰涼蕉

雨過禪院松風吹石床鄭翁去不返軼事話斜陽

板橋先生

嘗寓居山房作書畫以自售

白雲觀謁邱真人像

叢林遙隔帝城闔通密先生此悟真名利拋開天下

事神仙笑殺世間人一生自得金丹術萬古長留玉厯

春

觀中有玉厯長春等殿又老律殿後壁書萬古長春四字大各六七尺

欲問元機向何



處講經臺畔草如茵

觀西有真人講經臺故址

### 曉發豐潤

殘月未西墜膏車又策駢鐘聲隔林動人語出城稀曙  
色搖征旆秋寒在客衣高樓不可見回首曉煙飛

### 白草漣

路過鐵城坎莊通白草漣雞鳴鄰舍樹犬吠野田家荒  
埃連秋黍疎籬綴晚瓜欲沽無好酒莫漫問村娃

### 過北平懷古

山入盧龍塞上開灤江滾滾北平來當年射虎餘頑石  
此後封侯愧將才東望關河連渤海西來風雨自燕臺

我今懷古空惆悵腸斷邊城畫角哀

撫甯道上

黯淡天光隱日曛西風吹雨昨宵聞秋陰更比秋晴好  
萬笏青峯亂插雲

曉抵山海關

曙角動邊陲秋風萬里吹城頭入海斷山勢到關奇雲  
黯秦王島天高美女祠勞勞行旅客弔古幾人悲

抱河嶺遠望

秋色正蒼然驅車上嶺嶺遠山青入塞大海白浮天城  
小深依樹村長半在煙憑高動吟興好景寄歸鞭

甯遠道中

碧雲收盡雨初晴洗出秋光分外清  
山遠更含嵐氣重天低直壓海波平  
石田有主耕還廢野樹無人種自生  
欲向前村覓投宿晚煙漠漠暮蟬聲

宿高橋

年年車馬厭塵囂日落河山故國遙  
料得閨中小兒女不知今夜宿高橋

迂道赴錦縣山行絕句

驅車忽迷途誤入空山曲悄然不逢人  
衆峰圍我綠古道絕人跡平坡馳馬蹄  
正嫌山寂寂幽鳥數聲啼

蒼蒼見煙樹曖曖有人村  
桑麻與世隔疑入桃花源  
盤曲出深谷撲面天風來  
白雲正相送一陣忽吹開  
何處覓錦州半日走岩壑  
兩山當面分豁然見城郭

新民屯道中

出關五日度遼西積雨長途陷馬蹄  
細檢征衫壯行色  
舊泥痕上濺新泥

西風疏雨冷颼颼天與行人助旅愁  
道路怕長衣怕薄  
嫩寒早晚似新秋

感遇

遭逢離亂可如何唯有狂吟與醉歌  
早死却歸極樂土

眼中不見蹈兵戈

秋晚自城歸里

路隔四十里長驅車馬行到家剛日落出郭正天晴野  
水多歸浦秋山半繞城回頭已不見村舍晚煙生

秋日山居

數家村傍翠微間我亦幽居此閉關最喜年年看紅葉  
對門一座好秋山

清淺門前水一渠魚苗漸長戲菰蒲鄰人網得時相贈  
佐我盤餐酒一壺

窮巷稀聞長者車自翻爾雅注蟲魚閉門不問兵戈事

靜坐山窗讀我書

終年辛苦事耕犁  
稻黍經霜熟已齊  
客至山村無市味  
入廚呼婦割秋雞

潘學山

思重

明經招飲竝邀王雪樵

塵世難逢是醉鄉  
故人招飲話滄桑  
魏桓老去身將隱  
潘岳年來鬢亦蒼  
滿地干戈皆賊盜  
舊時親友半參商  
怪他王粲多消瘦  
懶得吟詩作酒狂

秋晚自城中夜歸

出城日將墮  
騎馬渡前川  
月上嶺頭樹  
星低山外天  
溪寒微有火  
村塙已無煙  
知有家人候  
挑燈夜未眠

訪甘泉村館留宿夜話

冰雪寒在地馬蹄行更遲荒村人到後孤館日斜時入  
室且評畫閉門還看詩挑燈坐長夜相與說心期

贈內子

貧賤夫妻老更親白頭相敬轉如賓起居每問關心切  
恩愛方知結髮真善體性情惟有爾若論兒女亦他人  
獨憐文字非知己不解吟詩已六旬

濟陽客館夜坐感懷

天街無月明漏下禁宵行

時城中戒嚴  
禁止夜行

人語遠過巷鐘

聲高出城歲寒猶在客世亂每談兵自顧頭垂白愁吟

對短檠

聞大兵出山海關

王師振旅下遼東一片旌旗蔽日紅刁斗夜鳴千帳月  
鐵衣寒挾六邊風應知賊胆驚先落轉使人心壯自雄  
更望霍嫖姚作將尅期敵愾奏膚功

送鄭乙藜

琴航

秀才之蓋平

慷慨送君別南游青石關烽煙遼海路寒日蓋州山飢  
苦親朋慰平安車馬還可憐同病裏奔走未能閑

海仙洲

勝

明府昌圖殉難事

人間忽失海剛峰我亦驚聞淚墮胸纔得一官來紫塞



笑逢羣盜過黃龍

公抵任未久賊卽由開原繞道入昌圖金家屯

未能滅賊餘

孤憤只合捐軀報

九重不愧書生臨大節獨留英氣

挫妖鋒

頌聲載道口碑傳賊亦傾風令尹賢生割頭顱還祭魄

賊目素知公賢無意加害而其黨誤戕之賊乃殺其黨以祭

死衝鋒鏑枉籌邊衣冠

碧葬沙場血父老青悲塞外天

公爲官清正素有海青天之稱

若比津

門謝雲舫也應有

詔卹重泉

### 寇警五首

十二月初三日有降賊百餘人突至瓢酪屯遣

其探者先抵李千戶屯叱其鄉約爲具飲食以

備駐宿旣而未果來也是夜宿瓢酪屯距余家  
僅七里明日賊驅隊北去所過村莊幸無犯者  
而婦稚紛紛逃避已竄滿山谷矣余因警率賦  
五章以誌其事

頻年遭寇警胆破已驚魂有賊突然至舉家惶且奔妻  
孥竄山谷雞犬守空村身外憑搜掠惟期性命存  
前驅飛馬至後隊雁行齊婦女盡無色兒童不敢啼入  
村呼里正供饌備豚雞奔走惟聽命鄉人戒語低  
如雀避鷗隼衝寒犯雪霜室逃炊婦餒襁負凍兒僵奪  
走道途塞密尋溝壑藏探聞賊去後深夜返家鄉

不敢畜車馬猶虞引賊來夜昏驚犬吠門闔怕人開亂  
世無祥夢多財啟禍胎傳聞城又陷失色其疑猜

妖氛迭猖獗亦有詐稱兵

賊入村鎮恐人逃避有詐稱官兵者

丁壯脅爲

盜居民逃廢耕流離無定所寢食有餘驚誰救蒼生劫

哀吟涕泗傾

### 鐵嶺失守紀事

十二月初四日申刻降賊抵城徑入縣署見官  
詐稱借餉官許之既而去令其黨扼守東門復  
入署刦獄縱犯焚燬科房搶掠商賈城中大亂  
官吏皆逃居民夜竄殆盡明日商民輸金賊乃

去

賊騎斬關入公然到訟堂官驚皆鼠竄牢破已羊亡街  
黑人無語城空火有光居民亦逃散昏夜棄家鄉

臘月二十三日送竈詩

送君此去到天庭勸進三杯酒莫停儘把人間離亂事  
淒涼奏與玉皇聽

除夕與甘泉守歲

昔年共除夕今又寄閑身守此一宵歲對君千里人江  
山猶故國天地正烽塵相顧頭顱白難期聚首親

九梅村詩集卷十三

鐵嶺魏燮均公隱甫編

躬耕集

丙寅臨滇小住集附

宛平劉杞松雲選訂

雪中間京兵北征

蕭蕭萬馬鳴帶甲向邊城齊擁旌旗出直衝風雪行間  
聞方患盜父老喜觀兵知有安民策朝廷重北征  
詔發金微卒軍嚴鐵騎行妖氛滅白馬大劫救紅羊  
鼙鼓驚沙磧烽烟接戰場逆知跳梁醜不敢肆猖狂

上元夜同甘泉溪上望月有感

上元夜如晝又見月重圓積雪白無地疎星寒在天鐘

九梅村詩集

卷十三

一

聲荒寺出燈火小村懸風景猶如昨回頭憶舊年

往經太平世溪上共君行人比昔年老月還今夕明塞垣多伏莽天闕發精兵猶是看燈節人心尙自驚

詠懷

丈夫不幸遭亂離功名立取真男兒尋章摘句小儒事壯夫安用雕蟲爲當此羣兇勢猖獗蒼生滿目皆瘡痍登壇拜將展韜略英雄用武及斯時提戈躍馬建勲業斬其賊將擎其旗誓爲朝廷削平亂何難萬戶封侯期愧我平生不好武鉛刀誤事操毛錐少不如人老無用耳聞鼙鼓心驚悲自笑書生胆如芥徒誇文陣稱雄師

少陵有詩動神鬼焉能執筆清邊陲昂藏天地竟何補  
不及豹死猶留皮謀生計不贍妻子分應死填溝壑屍  
福薄豈敢嗔造物猶幸厚我能吟詩天將歲月假骸骨  
容我努力工文詞筆鋒橫掃事酣戰騷壇老將獨稱奇  
草莽微臣獻歌頌庶堪仰報 天恩慈

新正遣懷

空谷寇雖去猶然驚且猜妻孥終日對親友少人來潦  
倒歲華暮艱難心事灰眼看正月盡愁抱鬱難開

一自度新歲幽居不出門兵戈聞遠塞風雪守孤村勝

事那堪憶故人相對言

謂甘泉

老來頗耽靜兩耳厭塵喧

聞官軍出塞勦賊居民有死於難者賦詩哀之

落日照危旌風嚴金鼓鳴官鹽貔虎將賊敗犬羊兵浩  
劫無矜恤流民有死生應知邊塞月萬鬼哭冤聲

與甘泉夜話卽贈

共話破岑寂夜寒門更扃絮袍衰髮白雪屋老燈青歲  
月窮途過干戈亂世經可憐杜陵叟作客尙飄零

寒夜

夜昏無月色積雪白漫漫村小山川寂天高星斗寒柴  
門孤犬吠茅屋一燈殘知有袁安卧清眠夢未安

短歌行效杜少陵體贈甘泉



袁翁酒醒提筆慷慨歌正哀我且慰君風塵落魄之雄

才烟雲在手造化變

謂工畫

風雨走腕龍蛇開

謂工書

唾壺

擎缺休低徊昔年偏飲遼東水田舍侯門見芒屨干戈  
滿地故人稀皂帽青袍惟吾子白髮飄蕭俱老矣

觀甘泉畫滄海日圖作

泰山之頂日觀峰巍巍高出青天重相傳此處待觀日  
五更湧出扶桑中昔聞有人造絕頂玉鷄初聽號天風  
海色冥冥不可辨忽看滉漾波濤紅金烏炫彩射人目  
一輪飛出蛟龍宮丹霞匹映天變赤海光一氣交鴻濛  
遨遊恨未到東魯無緣策杖登岱宗釣鰲不逢海上客

作畫乃見甘泉翁先圖滄海後圖日海翻日湧光曠曠  
玉鯨噴浪不敢鬥神魚鼓鬣潛無踪但見波臣水伯送  
羲和馭駕騰晴空天光破碧水光紫金精萬道垂長虹  
我立觀之嘆絕技筆奪造化天無功老眼迷離怯久視  
但覺閃耀奪雙瞳耳邊似聞怒潮響置身疑與天門通  
十日一水五日石翻笑古人無神工憶昨我忽得奇夢  
朝陽皎皎初升東蓬萊縹緲不可望竊幸照我光熊熊  
今觀斯圖興狂發高吟自覺非龍鍾葵心向日終不變  
恩波何必期遭逢

和甘泉孤樹篇

孤樹何巍巍結根此巖託氣鍾山川靈澤被雨露渥黛  
色參天霄繁陰覆邱壑兵燹未遭焚風霜豈能剝長養  
千百年材大棟梁若質笑樗櫟粗姿非楊柳弱秦松與  
漢柏已受朝廷爵矯矯本不羣孤標猶落拓所藉不逢  
時未經魯斤削不登蕊珠宮不上淩煙閣獨立空山中  
寒暑耽寂寞孤月時徘徊孤雲共蟠礴天風偶然來長  
嘯驚濤作大聲滿天地餘音動城郭出山小草木聆之  
悉駭愕豈知岩穴間尚有雄材略終當保此生不隨凡  
卉落誰來結巢居獨有千年鶴

閑居雜述

山居十九年結廬向岩壑石田薄可耕差供溫飽樂小  
兒鬚漸萌老妻齒已落童孫五六歲竹馬恣歡躍我年  
五十餘蒼蒼髮如鶴聊以娛目前宗祧賴有託居廬何  
必廣免教風雨虐盤餐何必豐但取充藜藿憶昔走風  
塵十載青蓮幕結交盡貴游意氣驚人愕志趣幸超曠  
不受浮名縛而今返舊林永與雲霞約閉戶自著書肯  
使光陰錯偶來素心人村酒共斟酌暢談無古今高歌  
破寂寞塊壘豁然消胸中頗不惡有時看雲山而亦赴  
城郭去住本無心閑雲任飄泊再居十九年光景知何  
若遐想此烽煙宇宙已清廓

怪石歌弔先師蓮叟先生

有序

先師家藏一石高二尺許狀類奇峰苔蘚斑斕  
嶽奇可愛蓋先生昔游太平寨棲真洞時某道  
士所贈也先生載歸供置學稼軒日對吟哦以  
供玩賞今先生歸道山已二十餘年矣此石零  
落徒存委棄荒草間無復知有愛惜之者余每  
過而嘆焉慨怪石之無依悼先師之不返不禁  
觸目傷懷愴然有感因爲長歌以弔之

怪哉海外飛來峰輞川神筆奪天工又疑媧皇鍊成不  
能用忽然擲出青天重不然銀河水漲岸崩裂支機墮

下織女宮或者秦皇鞭之不入海負痛潛走逃遼東嶽  
崎古瘦世無匹穀城如見黃石公當年棄置太平寨無  
人巨眼識靈蹤不過生公說法頭不點徒笑頑石非玲  
瓏先生生有鹿門癖懷抱磊落無遭逢一旦見石發光  
怪太息踰伏空山中索之道人慨相贈載歸百里雲相  
從位置閑軒寓奇賞儼然呼兄拜丈米顛翁到公奇礪  
不足數東坡雪浪將無同不過先生已埋沒彷彿縹雲  
之石蔓草荒烟蒙我昔登堂數請業但見兀傲羣芳叢  
摩挲玩視愛不已如對七十二朶青芙蓉嗚呼先生一  
去廿餘載空遺此石蹲蒿蓬石若能言定哭失知已不

異先生老去悲途窮先生魂歸倘相見亦應淚墮石斑  
紅我今覩石色憔悴窮愁緬想先生容嗚呼先生愛我  
如愛石安能繼志移向荒園供

和王拓園古劍篇卽次其韻

秋水橫腰劍光碧陸離照眼駭人魄龍泉太阿世無雙  
當年曾舞鴻門席爐火純青鍊此鋼森森殺氣生寒霜  
英鋒暗破鬼神胆精氣上冲牛斗光土蝕千年鏽不壞  
手摩寒刃猶能快惜乎不遇張華雷煥雙青瞳世間任  
用無英雄縱使恩讐力能報埋沒亦等鐵山之鐵銅山  
銅況當兵戈苦未息正好發軔屠蛟龍奈何無人獻明

王依然匿跡風塵中

書事六首

十萬貔貅出塞征  
突逢羣盜正縱橫  
刼來婦女還充賊

驅使丁男且禦兵

賊掠婦女剃髮使敵官軍並掠商農壯者以應前敵

血染荒沙

枯草凍屍填巨港  
怒潮生

官軍戰於伊統河殺賊甚眾河水爲之不流

朝陽

坡下陰雲黑更有啾啾鬼哭聲

賊竄至朝陽坡官軍接戰賊死者六百餘人而

居民死者

千餘人

威遠邊門燹火赫妖氛到處慘無人可憐  
粉黛成冤鬼

尚有裙釵脫矧身

賊掠婦女數百人戰敗則殺之亦有官軍截留者放歸其家

拋棄

戈矛橫道路奪回車馬載金銀

奪獲賊所掠車馬七百餘輛

凱歌從



此軍威振絕塞稍看靖寇塵

餘黨紛逃入塞門

賊自朝陽坡敗後竄入威遠堡

將軍擁節鎮開原投

降巨寇翻攻賊駐守官兵未撤屯

時盛京將軍屯兵開原降賊徐占一率其

黨投開原告勇禦賊將軍許之遂助以兵戮及孩童無

果勝旋以兵單賊衆而敗占一僅以身免

剩種燒殘瓦礫不成村

清河流水聲嗚咽齊作冤鳴慘

客魂

賊竄擾清河溝惟尙陽堡貂皮屯商家台李家台等村焚戮尤慘禍及孩童

降勇倉皇敗績回倒戈返旆叫門開

占一敗奔開原旌旗詐設

疑兵計商賈佯稱戰將材

城閉商民悉登陴衛守晝夜相繼

壓境賊軍

排水面

賊駐隊清河南岸疑城中有備遂不敢攻

喪家民婦哭城隈

流民欲入城逃

避者而城閉不得入悉集城下晝夜露宿哭聲不絕

傷心一曲如鈎月照徧流離

萬戶哀

賊潰紛紛棄甲還夜深潛繞象牙山

官兵追捕甚急敗走清河南竄入鐵

嶺將軍有令分兵逐窮寇無心戀戰還入谷猶聞施楚

炬賊至難冠山仍

拔旗偷學度函關

賊至之處先樹大旗於門間追兵至

遁去訛傳又撲銀州路驚得人人涕欲潛

二月十一日聞賊由難冠

山竄至大甸子旋又聞已至興隆店

城方距城僅二十里官民皆大驚

去年十二月初四日賊破城後人心

驚惶至禦賊無人堅壁守請兵連夜羽書馳

時城中兵僅百餘名

不足守余同紳士張枚齋王仙舫鄭棧叔諸人詣縣告

急馳檄請兵官許之卽夜飛報開原明日卽發官兵

女牆先樹虛軍幟帥府旋移勁旅師賴有聲威動山岳

庶氓驚定免流離

送王賡棠少府于役天津

旗亭柳色綠策馬出銀州千里復行役

時奉委  
運通

兩年生

別愁雲帆滄海路煙樹大關樓此去津門近應知訪舊游

悵惻臨歧路干戈今未稀孤城誰與守百姓轉無依

城中

迭次告警賡棠與縣  
官守城尤得民心

此日去何速明年期早歸不圖慰

離別所望寇氛微

見歸鴈

去歲南飛雁逢春向北歸汝來自楚塞戎馬可曾稀烽

火朔方警稻梁何處肥應憐避燄繳知爾亦無依

服藥書懷

我有采薪疾十載心如擣

余患心悸十餘年矣

勿藥冀有喜而終

苦其擾乃知血氣衰肢體況垂老人非金石質誰能長  
壽考但當節勞形養生悔不早今乃服刀圭羸軀善自  
保鐘漏幸未歇駐顏向天討長生豈敢期所願聞大道  
遭逢此喪亂煙塵尙未掃萬民患瘡痍塗地徧肝腦兩  
目擊時艱痼癘殷在抱安得醫國人救苦出煩惱衆生  
脫危機我亦霍然好

清明寓目書感

清明節氣和春草已復生況逢微雨滋欣欣皆向榮怡然觀萬物暢達以句萌胡爲此黔黎乃亦天生成逢春益遭亂死填溝壑盈慘澹無生機肅殺被秋聲恨不如草木尙有隨時情臨風發長嘆使我涕淚傾

訛傳

二月二十九日聞賊已至馬侍郎橋約千餘人旋又聞至山岔堡相距余村僅二三十里鄉人大恐於是鄰近居民乘夜逃避者無慮數千人絡繹載途終夜不絕鄉人夜登南山探之但見籠燭遍野燦若星點皆逃民也忽又火光燭天

知賊縱炬益大驚然幸未竄及終夜寂然明日  
偵賊已渡渾河逃民乃返

訛傳賊又至奔竄各東西乘夜棄家走遺兒當路啼過  
村爭問信投谷暫安棲亦有驅車過倉皇躍馬蹄

鄉人望賊跡昏夜上峰巔燈影亂奔野火光遙燭天隔  
山驚犬吠繞水見燐穿

是夜鬼火甚多

我亦聽消息終宵不敢

眠

明朝探賊信聞已渡渾河翻悔攜家遁旋看歸里多妻  
擎車重載衣物馬分馱雞犬知迎主還依安樂窩

感興

干戈滿地羽書飛烽火驚心興已違窮路文章遭世賤  
亂時親友到門稀昇平好景回頭憶少壯光陰轉眼非  
我向山居頻被警未容安卧白雲扉

塵世相逢寡笑歡祇應努力勉加餐年衰好勝心先謝  
世亂通財事更難家有妻孥猶累我身爲貧賤幸無官  
何當遁入深山去不向人間着眼看

日日閭閻望太平賊氛雖去尙餘驚書生徒有安民策

野老空懷報國情窮谷有人遭寇變

如薩爾汗赫什穆年馬洲哈達

蒼什荒田無主廢春耕道途不忍聽傳說使我傷心涕

泗傾

田家雜感 效儲王體四首

東風散平陸百草新且鮮農父識春融東作當及先晨  
起飯耕牛努力東皋田布穀叫桑柘雞鳴墟里烟比閭  
各營作皞皞無懷天兵戈不到處仍似承平年翹首望  
興京慘然東南邊村廬燬於火隴畝荒連阡死者枕相  
藉生者逃悉遷曠野無人耕但聞血腥羶豈判兩世界  
苦樂毋乃偏我方枕山谷殊類桃源仙 蓋較興京而言也

陽春久不雨日苦春風暄今朝密雲布沛澤沾高原麥  
苗吐齊隴杏花開過垣天晴噪鳥雀日午呼雞豚驅牛  
出街巷種豆南山根力耕敢辭瘁歸來每日昏暇日遣



僮僕挈榼沽東村閑招鄰父來情話羅芳樽連歲苦徭  
役兵戈今正繁但知事畎畝豐歉安能論所期免離亂  
安居長子孫

子孫各長成冠婚皆吾事結姻向鄰村往來免車騎生  
雖頑鈍姿粗使識文字年豐儲錢穀出納登日記勤儉  
訓持家稼穡知非易北地不養蠶種棉供紡緯所憂在  
飢寒溫飽慰其志我本田舍翁自非軒冕器弱齡稍讀  
書不求甚解意寓懷在耦耕沮溺會相值

謂王石  
農友人長爲

農畝民優游以卒歲

昔年事耦耕租得東村田山田四五頃禾麥青連阡終

歲苦勤動豈知非豐年當時尙安謐村墅無烽烟人民  
敦古俗置酒恒招延鄰曲時時來言笑相周旋春秋有  
佳日逍遙臨晴川坐觀稚子釣靜對沙鷗眠舉首望高  
峰白雲閒在天我方忘貧賤却與塵事捐胸懷坦無物  
隨境輒歡然但望歲功成飲食得自全

擬陶靖節田居詩三首

繞廬鳥雀噪微雨忽已晴驅牛出門去言稅東皋耕良  
苗滿隴畝蕩蕩和風生前村蔭榆柳遠聞雞犬聲田父  
偶然來言笑怡我情日夕相與歸樽酒還共傾旣傾一  
已醉何復知令名

南山種豆歸荷鋤越阡陌墟里煙火生殘陽光未夕偃  
息依南牕琴書聊自適閑居雖寡歡頗不爲形役墻下  
桑長成蔭此五畝宅蠶眠有餘絲家人足紡績此外無  
所營每望素心迹移居就南村談文追古昔

庭戶無雜賓往來惟鄰曲旣無車馬喧境僻愜幽獨秫  
田皆已成夙釀酒初熟東籬秋色新浥露采芳菊偶然  
賦新詩賞奇忻共讀嘯傲得吾生茲願良已足

過古墓感作

墳頭老烏作人語地下陳人喚不起千古同爲土一邱  
可惜徒勞名利死名利驅人不肯休試看人壽誰千秋

汾陽已往季倫逝安能長富長公侯嗚呼人生總被塵  
緣誤死到臨頭猶不悟他日陰魂總有知空聽老烏啼  
古墓

春日登龍首山書感

舊游回首憶承平今日登臨百感生滿地干戈營戰壘  
連年風鶴警邊城山川不改昔年色民物猶然故國情  
獨有杏花自開落無人載酒此飛觥昔承平之時嘗與  
則兵戈在境  
無人游眺矣

道上口占

野田暑氣蒸殘陽下西嶺隴頭四五人晚涼坐山影

放歌行

光陰爲過客日月交馳驅丈夫貴飛騰安能守窮廬況  
無金張貴又無倚頓儲頗類黔婁生蓬蒿蔽其居慨然  
起長歎學劍還讀書讀書世不用何屑哭窮途手提三  
尺劍出門走京都長安酒壚上半是高陽徒高陽皆少  
年裘馬耀長衢義氣重然諾揮霍千金疎相逢作劇飲  
日夜追歡娛興酣召歌舞燕趙傾城姝肝胆一相傾便  
託生死軀五陵豪俠客散處游江湖結爲車笠交急難  
競奔趨縱橫數萬里姓字人能呼丈夫稱快意何必執  
金吾人生行樂耳富貴胡爲乎

後放歌行

丈夫出門無知己不如還家對妻子西堂老叟感慨歌  
亦是平生失意矣有才如此不大用何論區區雕蟲技  
男兒志本在橫行有時不遇須歸里品題風月更評花  
春秋佳日能有幾拋卻貪瞋癡忘卻老病死寵辱不關  
心理亂不到耳寓興在琴樽開懷有圖史晚食當肉步  
當車旭日紅窗眠未起叩門時有故人來甕開新釀嘗  
其旨不作憤時談但說養生理興酣一醉笑向天胸懷  
空洞惟狂喜君不見高軒大蓋驕鄉閭一旦勢盡成邱  
墟又不見豪華姬妾日歌舞宛其死矣他人娛何如野

老負暄衡茅下歲時相慶斗酒歌烏烏

臨溟小住集

六月

宿甘泉堡

欲飲甘泉水還從此地過村迎斜照入門對遠山多川  
陸尙如此星霜今幾何不堪車馬苦笑我鬢雙皤

登海城邑樓書感

三月賊竄至海城邑人戒嚴官兵駐城內復受其擾

登樓夕照明百感滿懷生一水白橫郭萬山青入城地  
經戎馬過人受虜塵驚念昔曾遊此臨溟尙太平

家子循偕余重游寒泉寺弔故人常職卿

不到名山已十年又隨筇屐聽寒泉樹深尙認來時逕

雲白常留別後天，但有故人孤剩佛。似憐老子健如仙，何堪舊友風流謝。回首滄桑倍黯然。

書聲不聽出禪扉，猶記尋詩坐翠微。橫笛每吹明月上，倚松時看白雲飛。青山未老人先逝，紅葉同吟事已非。再向多羅亭上望，幾回惆悵對斜暉。

鍾淳泉

振興

青崖

振遠

兄弟招余同子循重游青

龍山

策馬入山腹，路高牽馬行。樹分藏寺影，鐘斷出樓聲。見佛若相識，有僧還笑迎。十年舊游地，到此不勝情。

萬山當面出一例，送青來時見白雲。起偶看飛鳥回松



高偃石立花靜背人開更上危樓坐臨風亦快哉

幸與名山契重來竟有緣當年看雲處坐倚老松前異

蝶大於燕靈蛇壽亦仙山神如識我應笑已華顛

山中  
有巨

蛇二寺僧  
祀以爲仙

俯視人寰小方知絕頂尊峯巒奇入畫城郭遠如村雲

影諸天落松濤衆壑奔摩挹磐石坐尙認舊苔痕

青天捫欲問不肯落人間安得日携酒同來長看山幸

逢今日暇共寄此身閑應是龍華會前生註往還

### 與子循游唐王山

舊屐曾經地還尋勝蹟行路當懸處險山到頂時平荒

方木才言集 卷一 三  
草餘殘壘秋雲落廢營悠然更懷古俯仰不勝情

### 登甯家山

山在海城西三里許爲前明甯中丞故里故名  
甯家山俗呼爲瞭甲山相傳唐太宗征遼時駐  
兵於此

中丞去不返空剩甯家山人  
事有衰謝白雲仍往還羣  
峯到海斷一水背城彎  
絕頂舒長嘯浮生偶覺閒

### 對酒放歌贈子循

人生快意惟良友左持雙螯  
右杯酒對此不作及時歡  
一刻千金錯孤負丈夫在世  
須建功提戈躍馬稱英雄

殺賊百萬報明主，椎牛痛飲沙場中。豈知徒老風塵裏，  
無才愧煞奇男子。慷慨擎杯看劍光，一片雄心尙不死。  
吁嗟乎！既不能和羹調鼎登明堂，醪醑承賜君王觴。又  
不能豪華宴樂向金谷，瓊筵歌舞催紅粧。況乎羣仙高  
會集蓬島，未必偕聽廣樂鈞天張。竟使骯髒之軀落人  
海，太倉一粟何微茫。我生念此嗟無福，有酒不飲骨更  
俗。何忍強作獨醒人，舉世真堪一痛哭。注糟床，延麴客。  
滌樽罍，擘郭索。人閒此味真絕特，商量快避世炎涼。逃  
出愁城奔酒國，舉杯大笑狂若仙。回首紅塵無人色，此  
時但覺消魂礪依舊。狂奴有故態，俯視楊脩真小兒。甘

讓劉伶作前輩我今踢開煩惱場快活日日游醉鄉但  
願一飲中山酒醉死神游廣漠周八荒安知造物弄人  
之低昂

登將軍台晚眺

臺在沒溝營西咸豐七年築防英夷入寇

斜日照平臺潮聲落水隈船依高岸聚帆度遠天來人  
語喧相雜鷗翔去復回晚煙凝不散偶被海風開

一雁去無極天空放晚晴長河秋水落大海暮雲平地  
險曾防寇時危尙用兵烽煙何日息寓目獨傷情

時營口尙

駐官兵

送鄭械叔登舟之天津

落日下中流，倉皇送客舟。  
片帆乘月挂，大海拍天浮。  
風順急如鷁，身輕穩似鷗。  
丈夫占利涉，莫動別鄉愁。  
破浪乘風去，茲游亦壯哉。  
魚龍朝夕出，天地混茫開。  
路向津門轉，人從渤海來。  
襟懷應更濶，浩蕩長雄才。

同子循河上夜游

燈火出船頭，長河帶月流。  
笛聲飛客舫，人語雜鄰舟。  
露白鷗天夕，潮寒水國秋。  
偶來川上立，詩思共悠悠。

風靜波平夜，星疎月朗時。  
大帆依岸落，小艇帶燈移。  
隔浦漁歌遠，排空雁陣遲。  
臨流念之子，忽已隔天涯。

謂鄭  
棧叔

川上晚晴

雲散海邊營不聞風雨聲亂帆收夕照一雁叫秋晴岸  
濶潮初落天高月又生愛看霞色好猶映滿川明

營川絕句

歌臺舞館間青樓萬里爭來賈客舟也是娛人歡喜地  
繁華何必說揚州

波平如鏡月如眉風到黃昏靜不吹萬點星光齊照水  
家家船舫上燈時

將軍臺上息烽煙留得孤臺望海船此是當年用兵地  
曾防夷寇入營川

濁流難飲半泥沙絕少清泉好井華買得田莊臺上水

小舟供給日烹茶

南中風物每先嘗橄欖青青橘柚黃不及魚蝦是鮮品  
海鄉風味壓江鄉

大賈開筵列鼎珍朝朝宴客散千金豪華相習成風俗  
眞個金錢沒膝深

酒坊絲管日無休更有燕姬勸客酬歌舞夜深猶未散  
人人都醉入迷樓

泥人北里好煙花爭訪桃源狹路斜浪擲纏頭全不惜  
銷魂夜夜莫愁家

宿高坎旅店

向昏投旅店人馬且同休月色四鄰水蟲聲一院秋偶  
因隨處寄始信此生浮自慰征途苦還斟酒數甌

小村

茅舍日陽暖乳雞窗外鳴廢園新稼熟閑徑晚花明夜  
雨頽瓜架秋風響豆棚荒村最蕭索亦寓小詩情

病起北歸將別宗姪雲臺秀才

樹屏

感其苦留賦

詩贈之

病餘身未健挽駕苦相留畏我別山岳無時到海州關  
河經遠道風雨正深秋亦欲學詩去從余歸挹婁

明朝將作別已寢復來窺直欲話終夜恐難知後期解



衣憐病體伏枕贈新詩感汝殷勤意翻令不忍離

出海城留別諸友人

颯爽北風晴秋高出海城萬山排郭立一路送人行故  
國辭三月新交抵半生含悽不忍別爲抱暮年情

過遼陽感舊

秋氣逼征袍長途尙耐勞千山當郭翠一塔出城高昔  
我作書記於今凋鬢毛令威終不返人事日蕭騷

秋雨村居憶甘泉蕉園二君

漠漠秋陰黯日曛北風吹鴈雨紛紛當門一樹下黃葉  
隔水兩峯飛白雲平野稻粱皆已穫小村雞犬互相聞

山窗病起還思飲寂寞開樽憶孔羣